



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Catechismvs, Dat is, De Christelijcke leeringhe/ in
maniere van t'samen-sprekinghe tusschen den Meester
ende den Discipel**

Coster, Franciscus

T'Antvverpen, 1607

Van't ghebedt/ ende wie-men moet bidden.

urn:nbn:de:hbz:466:1-39385

en heeft niet beloofst dat alle Christenē sullen saligh worden: maer dat alle de gene saligh sullē worden/ die totten eynde toe Gods geboden onderhouden.

M. Wat leert-dy hier uyt ?

D. Dat de vreesse wel magh met de hope staen: dat is / dat wy wel moghen hopen het eeuwigh leuen/ ende nochtans oock vreesen de helle.

M. Hoe soo ?

D. Niet deur faute van Godt / die sekerlijcks sijn belofte sal houden / maer deur vreesse dat wy die conditie niet en sullen vol-brenghen.

M. Hoe wordt dan de Hope versekert ?

D. Deur het goedt leuen: want hoe dat de liefde/ ende deughdelijcke wercken meerder zijn / hoe de Hope oock sekerder is : want soo vermaent ons S. Peeter / dat wy onse roepinghe / dat is / den hemel daer wy toe gheroepen zijn / met deughdelijcke wercken seker maecten.

M. Wat isser van noode om te vercrijghen het ghene dat wy hopen ?

D. Het ghebedt: want het ghebedt des rechtveerdighen heeft groote cracht om pet te verweruen van Gode.

M. Wat is het ghebedt ?

D. Het is een t'samen-sprekinghe met Godt: waer deur wy te kennen gheuen de begheerten onser herten/ ende van hem pet eyschen/ oft hem louen/ oft bedancken.

M. Veur wie moeten wy bidden ?

D. Eerst ende meesten-deel veur ons seluen.
Ten 2. Veur onse ouders / vrienden / ende wel-doenders. Ten 3. Veur den Paus van Roomen / Bisschoppen / Pastoors / Biercht-vaders / Coninghen / Princen / veur de Magistraten/ ende
D alle

alle ouerhepdt soo gheestelijcke als wereltdlijcke/
 veur ons vader-landt / ende veur de plaetse daer
 wy ghebozen zijn / ende daer wy woonen. Hier-
 en-bouen veur den gheheelen staet der H. Kerck-
 ken. Ten lesten veur allen menschen / soo wel le-
 uende als doode / daer wy niet veur-seker af en
 weten dat sy saligh oft verdoemt zijn.

M. VVelcke plaetsen zijn bequaem om te bid-
 den?

D. Alle plaetsen ; principelijck nochtans de Kerck-
 ken/inde welke ons ghebedt ghemeelijck Gode
 aenghenamer is / ende van hem lichtelijcker dan
 op andere plaetsen verhoort wordt.

M. VVaer om dat?

D. Om dat teghenwoordigh is in het H. Sacra-
 mēt des outaers het alder-herlighste lichaem des
 Sones Gods / ende de reliquien der Heylighen:
 Ten anderen / om dat dese plaetsen gewijt zijn ter
 eeren ende ten dienste Gods veur vele ceremonien
 ende gebeden / waer veur onse moeder de H. Kerck-
 ke van Christo haren bruydegom begheert heeft/
 dat hem soude belieuen lichtelijcker te verhooren
 die hem hier in bidden : Ende hier-om behoort-
 men dese plaetse oock in grooter eeren te houden/
 ende totte selue dick- wils te gaen om te bidden.

M. VVat behoort-men te doen als-men inde
 Kercke comt?

D. Ten eersten, wij-water nemen / sy seluen daer
 mede besproeyende. Ten 2. een crups te maken.
 Ten 3. eer-men gaet knielen / soo behoort-men
 oock reuerentie ende eer-biedinghe te betoonen
 aen het Sacrament des outaers / ende aen de bel-
 den daer-men veur gaet bidden.

M. Hoe